

評古

乙文

古韻

文語



古 文 韻 語

楊 慎 撰

叢書集成初編

(補印本)

古文韻語及其他一種

一九三九年十二月初版

一九六〇年五月補印

商務印書館出版

上海大東集成聯合印刷廠印刷

升菴襍探古占繇銘識贊祝之詞。爲古文韻語一卷。引證博而音釋詳。好古者爭先快覩。於以見昔人重文而用韻之書。自六經而外。亦時見於他說也。然其閒亦有不可強通者。則當略韻而取其文焉。或曰韻風度也。韻語與雅言訓同亦通。童山李調元雨村序。

古文韻語卷一

明 新都楊慎撰 清 綿州李調元校定

女媧筮辭易緯女媧張雲幕
枚占之曰吉云

昭昭九州日月代極均平土地和合四國

羿妻筮辭靈

羿請不死之藥於西王母姮娥竊之以奔月筮於有黃有黃曰吉

翩翩歸妹獨將西行逢天晦芒毋驚毋恐後其大昌

連山繇辭山海經注

空山之蒼蒼八極之既張乃有夫羲和是主日月職出入以爲晦明

歸藏繇辭太平御覽

有人將來遺我貨貝以至則徹以求則得有喜將至良人得其玉君子得其粟

有鳧鴛鴦有鴈鸕鶿

鼎有黃耳利取鮪鮪同鯉

歸藏齊母經辭爾雅疏

瞿有瞿有音介宵梁爲酒尊於兩壺兩輪飲之三曰然後蘇士有澤我取其魚

君子戒車。小人戒徒。闕有白雲。自蒼梧入於大梁。
上有高臺。下有離池。若以賈市。其富如河海。

周穆王筮獵辭

藪澤蒼蒼。其宜傳作正公。戎事則從。

魯桓公筮成季傳左

同復於父。敬如公所。

秦伯筮伐晉

千乘三去。社同三去之餘。獲其雄狐。

晉筮嫁伯姬於秦繇

士刳羊。亦無盍也。女承筐。亦無貺也。西鄰責言。不可償也。歸妹之睽。猶無相也。

晉厲公筮擊楚子

南國蹙射。其元王中厥目。

夏后鑄鼎兆辭

逢逢白雲。一南一北。一西一東。九鼎既成。遷於三國。

桀伐唐兆辭

不利出征惟利安處彼爲豺我爲鼠勿用作事恐傷其父

文王卜田兆

非龍非黿非熊非羆兆得公侯天遣汝師

姜后卜兆辭汲冢師春

周穆王姜后孕越姬嬖竊而育之斃以元鳥二七塗以麋血王發書而卜之兆曰

蜉蝣之羽飛集於戶鴻之戾止弟弗克理重靈降誅尙復其所于是王問諸史豹曰蟲飛集戶是曰失所親將留其身歸于母氏而後獲寧冊而藏之厥休將振居三月越姬死七日而復言其情曰爾夷隸也胡竊君之子不歸將置而大戮及王子曰始

陳敬仲卜妻兆

鳳皇于飛和鳴鏘鏘有嬌之後將育于姜五世其昌並于上卿八世之後莫與之京

晉獻公卜伐驪戎兆

挾以銜骨齒牙爲猾戎夏交猝

晉卜立驪姬兆

專之渝襁公之俞伴字衍一薰一蕕十年尙猶有臭

魯桓公卜成季兆

間於兩社爲公室輔

衛卜殺渾良夫兆

如魚竄尾。衡流而方羊。裔焉大國。滅之將亡。闔門塞竇。乃自後踰。

衛卜追鄭師兆

兆如山陵。有夫出征。而喪其雄。

周公卜洛命龜辭

說苑

予一人兼有天下。辟就百姓。敢無中土乎。下音虎

周公卜曲阜命龜辭

作邑乎山之陽。賢則茂昌。不賢則速亡。

漢文帝卜卽位兆

大橫庚庚。余爲天王。夏啓以光。以上筮辭。卜兆之辭。

巾机銘

帝黃

予居民上。搖搖恐夕不至朝。惕惕恐朝不至夕。兢兢慄慄。日慎一日。人莫躋于山而躋于垤。

衣銘

武王

桑蠶苦女工難。得新捐故。後必寒。

鏡銘

以鏡自照見形容。以人自照見吉凶。

鑑銘

見爾前。慮爾後。

觴銘

樂極則悲。沉湎致非。社稷惟危。

觴豆銘

食自杖。食自杖。戒之僑。僑則逃。

几銘

安無忘危。存無忘亡。孰是二者。必後無凶。

杖銘

輔人無苟。扶人無咎。

杖銘

惡乎危。於忿寃。惡乎失道。於嗜欲。惡乎相忘。於富貴。

筆銘

毫毛茂茂。陷水可脫。陷文不活。

筆銘

馬不可極。人不可劇。馬極則殯。人劇則敗。

冠銘

寵以著首。將身不正。遺爲德咎。

履銘

行必慮正。無懷僥倖。

屨履銘

慎之勞。勞則富。

劍銘

常以服兵。而行道德。行則福。廢則覆。

劍銘

帶之以爲服。動必行德。行德則興。倍德則崩。

車銘

自致者急。載人者緩。取□無度。自致而反。

門銘

敬遇賓客貴賤無二

戶銘

出畏之入懼之

戶銘

名難得而易失無懃弗志而曰我知之乎無懃弗及而曰我杖之乎國阻以泥之若國將至必先搖搖雖有聖人不能爲謀也

牖銘

隨天時地之財敬祀皇天敬以先時

牖銘

闕望窓可念所得且思所忘窓或爽字說文烏到切室西南隅也

鑰銘

昏謹守深察訛

硯銘

石墨相著則黑邪心讒言得無汚白

鋒銘

忍之須臾。乃全汝軀。

刀銘

刀利磴磴。無爲汝開。

弓銘

屈申之義。廢興之衡。無忘自過。

矛銘

造矛造矛。少闕不愆。終闕之葦。予一人所聞。以戒後世子孫。

帶銘

火滅修容。慎戒必恭。闕三字

機銘

皇皇惟敬。口生咥口。闕三字

井銘

原泉滑滑。連旱則竭。取事有信。賦斂有節。

席前左端銘

安樂必敬。

席前右端銘

無行可悔。

後左端銘

一反一側亦不可以忘。

後右端銘

所見不違視爾所代。

盥盤銘

與其溺於人也。寧溺於淵。溺於淵猶可游也。溺於人不可救也。

櫪銘

毋曰胡殘其禍將然。毋曰胡害其禍將大。毋曰胡傷其禍將長。

金人銘

戒之哉。無多言。無多事。多言多敗。多事多害。安樂必戒。無行所悔。勿謂何傷。其禍將長。勿謂何害。其禍將大。勿謂不聞。神將伺人。焰焰不滅。炎炎若何。涓涓不塞。終成江河。綿綿不絕。或成網羅。豪末不扎也。將尋斧柯。誠能慎之。福之根也。曰是何傷。禍之門也。強梁者不得其死。好勝者必遇其敵。盜憎主人。民怨其上。君子知天下之不可上也。故下之。知衆人之不可先也。故後之。溫恭慎德。使人慕之。執雌持下。人莫踰之。

人皆趨彼。我獨守此。人皆惑之。我獨不徙。內臧乃智。不示人技。我雖尊高。人弗我害。天道無親。常與善人。戒之哉。

金匱銘古音略例。幾作黃帝。振振作惓惓。

堯之居民上也。振振如臨深淵。舜之居民上也。慄慄恐朝。不及夕。武王曰。吾并殷民。居其上也。翼翼懼不敢息。

商鼎銘語國

嚶嚶之德。不足就也。不可以矜。而祇取憂也。愛叶音作去聲讀嚶嚶之食。不足狙也。不能爲膏。而祇離其咎也。

譏鼎銘傳左

昧旦丕顯。後世猶怠。

正考父鼎銘

一命而僂。再命而傴。三命而俯。循牆而走。亦莫敢余侮。饘於是。粥於是。以糊余口。

孔惺鼎銘

六月丁亥。公假于太廟。公曰。叔舅。乃祖莊叔。左右成公。成公乃命莊叔。隨難于漢陽。卽宮于宗周。奔走無

射。啓右。獻公。獻公乃命成叔。纘乃祖服。乃考闕二興舊嗜欲。作率慶士。躬恤衛國。其勤公家。夙夜不懈。民

臧曰。休哉。公曰。叔舅。予女銘。若纘。乃考服。惺拜稽首曰。對揚以辟之。勤大命。施于蒸彝鼎。

郊鼎銘漢世出見郊祀志

王命尸臣官此郇邑賜爾旂鸞黼黻珣戈尸臣拜手稽首曰敢對揚天子丕顯休命

師春銘

炎炎者滅隆隆者絕的的者獲提提者射

巢氏量銘考工記

時文思索允臻其極嘉量既成以觀鄭康成注示也四國永啓厥後茲器維則

祭侯器銘

惟若寧侯母或若女不寧侯不屬于王所故抗而射女強飲強食詒女曾孫諸侯百福

衛靈公掘沙邱石槨銘莊子

不馮其子靈公奪而里

漢滕公掘石銘

佳城鬱鬱三千年見白日嗟哉滕公居此室

梁大同圯墓銘

龜言土著言水旬服黃鍾啓靈址瘞在三上庚墮遇七中巳六千三百浹辰交二九重三四百圯梁大同月任昉于鍾山墳中得銘曰云云當時其能辯因藏之戒諸子曰世世以銘訪通人有知之者吾死無恨叻五世孫升之隱居商洛寫以示鄭欽說欽說出使得之于長樂驛至數方三十里而悟曰卜宅者隱葬

之日月而先識墓圯日辰旬服五百也黃鍾十一也蘇大同四年鄒求漢建武四年凡五百一十一年葬以三月十日庚寅三上庚也圯以七月十二日己巳中巳也汝辰十二也建武四年三月至大同四年七月六千三百一十二月月一交故曰六千三百汝辰交二九十八也重三十六也建武四年三月十日距大同四年七月十二日十八萬六千四百日故曰二九重三四百圯升之大驚服

古鑑銘

漢有善銅出丹陽和以銀錫清且明左龍右虎尙三光朱雀元武順陰陽

尙方作鑑真大好上有仙人不知老渴飲玉泉饑食棗

漢剛卯銘

正月剛卯既央靈爰四方青赤白黃四色是當帝令祝融以教夔龍庶疫剛瘴莫我敢當疾已嚴卯帝令夔化順爾固伏化茲靈爰既正既長既觚既方庶疫剛瘴莫我敢當

麟鳳銘

漢威德中興卽政二年辛酉之節首歷四十青龍三月季春爰立碑石順典禮文九九度數萬世常存天有奇鳥名爲鳳皇時下有德民富貴昌黃龍嘉禾皆不隱藏漢德威威永布宣揚天有奇獸名曰麒麟時下有德安國富民忠臣節疑脫一字義以修身聞愆來善明明我君

漢祝長嚴訢碑銘

惟漢中興卯金休烈和平元年歲治東宮星屬角房月建朱鳥中宮之均萬物慈射華澤青葱跂行蠕息咸守厥常人物同授獨遭災霜顛實徂落壽不寬宏經設三命君獲其殃

漢從事武梁銘

懿德元通。幽以明兮。隱居靖處。休曜章兮。樂道忽榮。幽蘭芳兮。身役名存。傳無疆兮。

商箴

天曰順。順維生。地曰固。固維寧。人曰信。信維聽。

又

天降災布祥。並有其職。

周箴

夫自思念。學德未暮。

周虞人箴

芒芒禹跡。畫爲九州。經啓九道。民有寢廟。獸有茂草。各有攸處。德用不擾。在帝夷羿。冒于原獸。忘其國恤。而思其麇牡。武不可重。用不恢于夏家。獸臣司原。敢告僕夫。

夏箴

汲冢書

中不容利。民乃外次。

開望箴

土廣無守。可襲伐。土狹無食。可圍竭。二禍之來。不禰之災。天有四殃。水旱饑荒。其至無時。非務積聚。何以